



Broj/Број: 03/1-50-14-7-2-11

Sarajevo/Сарајево: 8. 7. 2011. godine

SARAJEVO			
PRILJEZI:	Organizaciona jedinica	Redni broj	Broj priloga

ČLANOVIMA ZAJEDNIČKE KOMISIJE ZA ODBRANU I SIGURNOST BiH

Na osnovu člana 60. (2) Poslovnika Predstavničkog doma i člana 54.(2) Poslovnika Doma naroda Parlamentarne skupštine BiH, Zajednička komisija za odbranu i sigurnost BiH, na 2. sjednici, održanoj 20. 7. 2011. godine, utvrdila je

ORIJENTACIONI RADNI PLAN

Zajedničke komisije za odbranu i sigurnost BiH za 2011. godinu

Predviđena aktivnost Zajedničke komisije za odbranu i sigurnost BiH (u daljnjem tekstu: Zajednička komisija) u 2011. godini zasniva se na jasno izraženom opredjeljenju za ispunjavanje uslova koji stoje pred našom zemljom kao članicom Partnerstva za mir, kao i uslova za punopravno članstvo u NATO-u, Evropskoj uniji, dosadašnjem i budućem članstvu u OSCE-u i drugim asocijacijama, te bavljenjem specifičnim pitanjima iz nadležnosti ove komisije reguliranim članom 54. Poslovnika Predstavničkog doma i članom 48. Poslovnika Doma naroda Parlamentarne skupštine BiH (u daljnjem tekstu: PSBiH).

Orijentacioni plan sadrži pregled najznačajnijih aktivnosti Zajedničke komisije, kako slijedi:

JANUAR – JUNI 2011. godine

Zakonodavne i druge aktivnosti Komisije

S obzirom da Zajednička komisija za odbranu i sigurnost kao radno tijelo domova PSBiH nije bila formirana do 7. 7. 2011., u navedenom vremenskom periodu nije planirana realizacija nikakvih aktivnosti.

JULI 2011. godine

Zakonodavne i druge aktivnosti Komisije

1. Kontinuirano razmatranje zakonskih projekata i ostalih akata (informacija, izvještaja i sl.) iz nadležnosti Komisije;
2. Prezentacija rada Zajedničke komisije za odbranu i sigurnost BiH za novoizabrane članove Komisije o temi: „Uloga Parlamentarne skupštine BiH i Zajedničke komisije za odbranu i sigurnost u demokratskoj kontroli i nadzoru nad odbrambenim i sigurnosnim sektorom u Bosni i Hercegovini“;
3. Razgovor s komandantom EUFOR-a u BiH i prezentacija uloge i zadataka Misije EUFOR-a u 2011. godini (zgrada PSBiH);
4. Razgovor s komandantom NATO-a u BiH i prezentacija uloge i zadataka Misije NATO-a u 2011. godini (zgrada PSBiH);
5. Razgovor s direktorom Odjela za sigurnosnu saradnju Misije OSCE u BiH i prezentacija uloge i zadataka Misije OSCE-a u 2011. godini (zgrada PSBiH);
6. Razgovor s rezidentnim predstavnikom UN-a u BiH i prezentacija uloge i zadataka Misije UN-a u 2011. godini (zgrada PSBiH);
7. Radna posjeta Glavnom uredu Granične policije BiH u Sarajevu.

AUGUST 2011. godine

Zakonodavne i druge aktivnosti Komisije

1. Kontinuirano razmatranje zakonskih projekata i ostalih akata (informacija, izvještaja i sl.) iz nadležnosti Komisije.

SEPTEMBAR 2011. godine

Zakonodavne i druge aktivnosti Komisije

1. Kontinuirano razmatranje zakonskih projekata i ostalih akata (informacija, izvještaja i sl.) iz nadležnosti Komisije;
2. Radna posjeta Ministarstvu odbrane BiH i Zajedničkom štabu OSBiH i upoznavanje sa aktuelnim stanjem u sektoru odbrane;
3. Razmatranje izvještaja o reviziji poslovanja institucija odbrane i sigurnosti za 2010. godinu;

4. Dvodnevna radionica o temi: „Zakonodavni okvir, nadležnosti i planovi institucija BiH u oblasti odbrane i sigurnosti“;
5. Radna posjeta Direkciji za koordinaciju policijskih snaga;
6. Obilazak Operativne komande OSBiH i Centra za mirovne operacije PSOTC Butmir;
7. Radna posjeta Narodnoj skupštini Republike Srbije i Ministarstvu odbrane Republike Srbije.

OKTOBAR 2011. godine

Zakonodavne i druge aktivnosti Komisije

1. Kontinuirano razmatranje zakonskih projekata i ostalih akata (informacija, izvještaja i sl.) iz nadležnosti Komisije;
2. Radna posjeta Ministarstvu sigurnosti BiH u okviru demokratskog parlamentarnog nadzora;
3. Razmatranje Prijedloga zakona o Budžetu institucija BiH za 2012. godinu u dijelu koji se odnosi na institucije odbrane i sigurnosti BiH;
4. Razmatranje Izvještaja o učešću Oružanih snaga, policijskih i državnih službenika BiH u operacijama podrške miru za određeni period reguliran zakonskim propisom, s prijedlogom učešća za 2012. godinu;
5. Razmatranje Izvještaja o uvozu/izvozu oružja i municije za prvih šest mjeseci 2011. godine;
6. Radionica o nacrtima budžeta sektora odbrane i sigurnosti za 2012. godinu sa izvještajima o izvršenju budžeta i revizorskim izvještajima;
7. Razgovor s predstavnicima BHMACE-a i upoznavanje s aktuelnim stanjem u procesu deminiranja u BiH;
8. Posjeta Komandi 6. pješadijske brigade OSBiH Banja Luka i Komandi podrške OSBiH.

NOVEMBAR 2011. godine

Zakonodavne i druge aktivnosti Komisije

1. Kontinuirano razmatranje zakonskih projekata i ostalih akata (informacija, izvještaja i sl.) iz nadležnosti Komisije;
2. Organizacija radionice o temi: „Trenutne aktivnosti u implementaciji Državne strategije za kontrolu oružja i municije“;

3. Posjeta Agenciji za forenzička ispitivanja i vještačenja i Agenciji za policijsku podršku u sklopu demokratskog parlamentarnog nadzora sektora sigurnosti;
4. Radna posjeta Parlamentu i Ministarstvu odbrane Republike Poljske;
5. Sastanak sa generalskim korom OS BiH i razgovor o dokumentu „Pregled odbrane“.

DECEMBAR 2011. godine

Zakonodavne i druge aktivnosti Komisije

1. Kontinuirano razmatranje zakonskih projekata i ostalih akata (informacija, izvještaja i sl.) iz nadležnosti Komisije;
2. Prezentacija uloge Zajedničke komisije u oblasti parlamentarnog nadzora za polaznike kursa o Sigurnosnoj politici u organizaciji Ministarstva sigurnosti i Misije OSCE-a u BiH;
3. Organizacija konferencije o temi: „Aktuelno stanje sigurnosti u BiH“;
4. Radna posjeta Komandi brigade za podršku OSBiH – Rajlovac;
5. Radna posjeta Državnoj agenciji za istrage i zaštitu – SIPA;
6. Radna posjeta Ženevskom centru za kontrolu oružanih snaga-DCAF, Parlamentu Švicarske Konfederacije i Ženevskom centru za sigurnosnu politiku.

MEĐUNARODNE AKTIVNOSTI ZAJEDNIČKE KOMISIJE

(Posjete i termini posjeta bit će konačno određeni u saradnji s predstavnicima zemalja domaćina)

Zajednička komisija imat će potrebne susrete s najvišim predstavnicima EUFOR-a, OSCE-a, NATO-a, DCAF-a, UNDP-a, EUPM-a, PSOTC-a, parlamentarnim tijelima drugih zemalja, te drugim međunarodnim organizacijama nadležnim za praćenje oblasti odbrane i sigurnosti.

U organizaciji i u sjedištu PSOTC-a u Butmiru planiraju se dva godišnja seminaru iz oblasti preveniranja katastrofa, dok se u organizaciji Štaba NATO-a u Sarajevu planira održavanje tri seminaru, od kojih bi predstavnici Zajedničke komisije učestvovali na tri seminaru-radionice, kao što je PFP-NATO seminar i dvije budžetske radionice.

Zajednička komisija također planira posjete određenom broju parlamenata, resornih ministarstava i vojnih struktura zemalja našeg regiona i šire, radi sagledavanja njihovih iskustava u oblasti reformi odbrambenog i sigurnosnog sektora, te iskustava u provođenju demokratskog nadzora nad ovim oblastima.

Planirane posjete:

- Švicarskoj - posjeta Parlamentu, Ministarstvu odbrane, civilne zaštite i sporta, DCAF-u, Ženevskom centru za sigurnosnu politiku, Ženevskom centru za humanitarno deminiranje (orijentaciono - decembar 2011.), u organizaciji navedenog švicarskog ministarstva i DCAF-a;
- Republici Srbiji – posjeta Narodnoj Skupštini Republike Srbije, Ministarstvu odbrane i strukturama civilne zaštite, uz podršku Misije OSCE-a u BiH;
- Republici Poljskoj - Parlamentu i nadležnoj komisiji iz oblasti odbrane i sigurnosti, resornim ministarstvima, vojnim i policijskim strukturama, uz podršku Misije OSCE-a u BiH;
- u organizaciji UNDP-a, prisustvo određenog broja predstavnika (do četiri) Zajedničke komisije radionici o stanju SALW-a u regionu - zemlju domaćina odredit će navedena organizacija;

Planirani seminari (konferencije):

- dva seminaru (konferencije) u organizaciji RACVIAC - Zagreb (termine će naknadno odrediti organizator);
- sastanak predstavnika komisija za odbranu i sigurnost zemalja Zapadnog Balkana o temi: „Iskustva u parlamentarnom nadzoru sektora odbrane i sigurnosti“ (Uz podršku RACVIAC Zagreb).
- Četiri trening seminaru u organizaciji DCAF-a iz Ženeve za osoblje Ureda sekretara ZK iz oblasti odbrane i sigurnosti zemalja Jugoistočne Evrope;

O navedenim aktivnostima bit ćemo konačno izviješteni nakon odlučivanja navedenih institucija i organizacija, nakon čega će, ako ne dođe do izmjena, i navedeni prijedlog posjeta biti konačan.

Treba naglasiti činjenicu da je Zajednička komisija planirala sve posjete van BiH u saradnji s navedenim međunarodnim organizacijama i institucijama i uz plaćanje troškova navedenih putovanja od strane tih organizacija, kao i jedan dio aktivnosti Zajedničke komisije u BiH (kao što je planirana regionalna radionica sa UNDP, budžetska radionica, konferencija o stanju sigurnosti koje će najvećim dijelom finansirati Misija OSCE-a u BiH).

Rezime

Orientacioni plan rada Zajedničke komisije je prestruktuiran zbog činjenice da je Komisija formirana 7.7. 2011.

Komisija će kontinuirano raditi na usklađivanju zakonodavstva s međunarodnim konvencijama i integracionim procesima, a posebno s obzirom na trenutnu poziciju BiH kao članice PFP-a i želju za što brži prijem u članstvo NATO-a.

Zajednička komisija zadržava pravo da u fazi rasprave o Orientacionom radnom planu utvrdi i druge prijedloge zakona i akata, kada budu dostavljeni u parlamentarnu proceduru.

**Predsjedavajuća
Zajedničke komisije**

Dušanka Majkić

Dostavljeno:

- naslovu
- a/a